

新疆圖志卷十二

天章三

元旦試筆

祥啟屠維冒茆駢青陽一律偏三千歲開

天紀欣迎祚月建王正勵體乾磬管韶英宣太簇衣冠駕鷺廁于

闐時賜漠咱吧爾公品級官服諸軍昨報平安信實沐恩禧意倍虔將軍兆惠等與賊回相持昨據舒赫德奏報降回至阿克蘇者言我軍中

有一厄魯特逃出至回軍稱我營內掘地得回人埋糧百餘窖且布魯特又侵彼喀什噶爾城以此天佑也爆竹千門達曙

鳴鞠陵初旭耀晨鳴土爰稼稽資豐稔木盛春陽肇發生南北東

西共文軌京垓億兆願康平金川耆定溯前已平定金川乃符年今歲又逢已實幸理紀之已願遂武成之慶

叶貞符聽凱聲

降旨免陝甘兩省正供並積欠詩以紀事

西海有征師卒未得息事屈指軍興來屆今凡四歲準夷則蕩平

逆回尙稽繫國威屬觀瞻欲罷焉能置厚集我軍容益勵我士志

乘春期一舉永靖遐荒謐叶蕭涼近接邊輓運最勞勤連年免正

新疆圖志

天章二

供預豁庚辰逮復思陝連甘豈無所波及叶體察將並寬降旨付

連帥其餘雜欠項概免大施惠肯因討小醜而傷我元氣申命良

有司推行俾均被

新正瀛臺小宴御前藩王大臣及漠咱吧爾

運斗屠維單闕迴順時行慶合瀛臺千羣尙可冰嬉試三接都教

春宴陪屏翰何妨廁蔥嶺歡娛齊說到雲來鵠場晴靄因觀射是日發十

故大學士黃廷桂輓辭五天中十三蓋外夷雖宜宴資厚惠尤當示之以射獵之事彼更樂亦畏服二示遠寧徒好樂哉

華鐙廣樂正陳時扼覽驚聞辰尾騎

慈慶朝儀難並輟強酬節物淚雙垂

屈指軍興逮五年儲胥事事合機先凡軍需事宜有朕先時規畫而傳諭批示甘肅尙未奉到者及郵牘至無不適相合摠亶惟

良弼蒼生福痛惜摧心敢問天

馬利軍行粟賑民彌留兩事尙諄諄遺疏內深以調飢馬匹及地方賑卹諸務籌辦未竟為憾覽奏盡傷不忍終幅鞠躬盡

瘁今誠已葛亮而來此一人

運籌力疾尙勞心驛館誰爲下鵲鍼

時以督辦軍需赴涼州雖抱疴日劇猶勉力視事邊地素少良醫經布政使蔣柄奏聞即命福隆安黎御醫前往診

治甫行而惡耗遽至曷勝慟悼

賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

降旨加賑甘省被災州縣詩以紀事

有序

甘涼爲西陲孔道土瘠而風醇其民受直執公旬惟謹給復蠲

逋之詔歲旣數下其偏隅以薄裨告者廩餼優卹訖於夏五顧

念時未登秋節方屆閨心有愍焉申命貸之牛種仍予展賑三

月庶幾綏我蒼赤資彼青黃卽事攄懷以當咨牧

涼肅窮邊未鮮逢溫飽家何當運餉苦更抱被災嗟討逆非容已

思艱詎有涯豁證明歲預繼賑到秋賒不窘寧無窘雖加再可加

所希歌載戢萬戶樂休嘉

述懷

勤遠非本意乘時賴

新疆圖志

天章二

二一

天佑予曰有禦侮予曰有奔走準夷永蕩平敢詡武德茂夤緣討

逆回戰勝頻捷奏重賞實未惜神勇亦屢邁逼巢堅城下強努致

逗遛羽檄繼進軍重圍急援救夾攻士氣張况當疊破寇肉薄豈

不易傷衆予心疚以此令稍戢齊力圖其後惟是閱時久待秋乃

功就枕戈衆効忠擊鼓吾哀鬪焦勞分所當萬方均在宥廛彼此

詎忘乾惕惟益懋

賜將軍兆惠書扇

火嶺炎蒸劇將軍未解鞍國威揚萬里臣節率三單贈獎赤心篤

持同白羽看黃香思漫引存問悉平安

兆惠母年高時遣人存問

賜副將軍富德書扇

師進和闐路擣虛事夾攻恩威僕儻識甘苦伍偏同推解廛予念

馳驅勵汝忠箠頭題句贈回部播英風

軍書

軍書清曉到兩回城已定

葉爾羌喀什噶爾兩大城其兩城所屬小城更以十數計皆已傳檄而定

賦役及建置惟將軍

所令

將軍兆惠等既收撫回中諸城請酌定賦役視噶爾丹策凌時徵取之數分別蠲減有差并定錢制廣圍銖兩正面用天朝年號分以城名回字附之於背其建置官屬自三品至五六品詳系職掌名目則各緣其舊俱降旨如所請行

逋逃雖有挈捨而來相迎詢以所去方乃無可投境

叶軍中得人詳詢逆回潛逃跡踪云初議

投安集延既懼爲魯特刦掠繼又得拔達克山伯克回信以往投人衆其地必不能容二酋不得已暫

邏騎遮其前

大軍逐以競此舉或成余載戢載橐詠佳兵詎得已討逆惟義勝

藉衆集大勳盟獨欽

天命

元正太和殿作歌

晨參晝食肅朝儀正殿春融赤羽旗考夏宗周原舊典夏球舞籥

迓新禧十年一舉甯爲數

正殿朝會雖舊典然率不舉行庚午以平定金川又朕四旬之慶故一舉行茲西師武成綏服也部拔達克山安集延哈薩克布魯特皆稱臣入貢兼值五旬

大慶故命循例宴饗

萬國來同倍切寅吏治民生厯宵旰問方詎止藉斯時

祥光瑞葉玉樓棲慶恰占年景福禔耆定不期徠默克安和惟是

洽羣黎漫陳漢殿魚跳水却聽天方鳳奏西

時將軍兆惠自葉爾羌得回部樂奏送適至因命於大饗所陳之部未肄之其器有

大小鼓簫管提琴洋琴之屬其伎有倒刺都廬及承盃轉碟之屬

簪筆誰成二元會賦持盈應悉敬彌躋

降旨免甘省辛巳年正供詩以紀事

新疆圖志

天章二

三

邊省民風淳是予亟嘉眷師旅所由經能無勞郡縣連歲免正供

給直酬輸轉遇災仍賑卹閭閻期惠遍卽今縱武成休養甯當緩

叶初春頒渙汗惠心勿問吉助陽實政見

邇日

武戍歌振旅長途歸凱軍汜勝占三白積玉遍塍鱗邇日更有喜

次第奏章聞王畿固普被河南北亦均於東逮登萊於西則晉秦

江浙及荆襄盈尺報鋪銀深消遺蝗種淨蠲癘氣氛兵後不易值

何修沐

天恩敬勤惟益黽遑敢忽笑嘖休養恆願額慶同吾民

御午門受俘馘

函首霍占來月竊傾心素坦欵天閭理官淑問甯須詆驃騎窮追

實可藏西海永清武保定午門三御典昭詳從今更願無斯事休

養吾民共樂康

瀛臺曲宴外藩

仙臺曲宴荅韶年舊典惟遵懋懋聯北漠戶庭眞密邇西瀛裘帕

許參連

蒙古王公等朝正來者賜以曲宴歲以爲常今歲並令回部來使入席且奏回樂

兜離歌與任傑舞拔達山將安集延

近悅遠來窳易易側身基命益乾乾

新正恭奉

皇太后幸圓明園卽事

西山積素喜迎人今歲韶春果是春旅旅三軍前後接天朝使者

到來頻

時諸部並遣陪臣入覲安集延使陀克塔瑪特等拔達克山使額穆爾伯克等已先後與宴而布魯特所遣西拉噶斯等亦即日抵京

逖疏率與光明耀勞徠

猶宜燕衍申略得對時博

慈豫

壽徵福履自駢臻

上元前二日萬壽山賜親藩及諸回部宴詩以紀事

萬壽山光隔歲看初韶行慶駐鳴鑾朱琴儀鳳調伶使翠釜供羊

出大官詩熟蔡襄詠嘉祐節同景德宴蒲端何期戎索茲開拓敬

保金甌永乂安

上元夕恭奉

皇太后觀燈火

新疆圖志

天章三

四

樓頭歲歲奉

慈娛今歲

慈娛勝且殊樂聽侏離復傑佻舞看跳劍與都廬明燈忽綴千珠

綱翠火全張

萬壽圖所喜

萱階紓念切敢誇蒲海奏功膚

燕九日作

七日燈宵一日餘

自十三日放燈至十九日收燈共七日

樓西婪景醺渠胥纏頭羣喜瞻天表

挺臂何妨挽月虛

是日令肄馬上諸技畢復親率近侍諸藩較射命矢疊中俾回使觀之蓋外夷所重惟武燈宵百戲彼雖愛觀不至如此驚服也

慶節發陽原

典故騰輝吐焰尙龍魚新年百務咸亨順爲是矜矜益凜予

太液池泛舟卽事

錫宴花門備禮容乘閒蓬島泛游龍舟仍攜帕首俾同樂所喜葵

心總致恭春水生來蘭葉細霽烟低處柳條濃西瀛試問爲何若

道是奚如天上逢半月韶光爾許殊冰消潏沆水平湖更逢雨霽

祥暉候可喚仙遊碧海圖理趣鳶飛復魚躍生機白芷與青蒲對
時懷遠胥和順益懍虧盈奉化樞

恭謁 孝陵

隔歲我來東

珠丘敬告功衣冠天浩渺松柏歲青葱凡此封疆拓永維庇蔭蒙
蓋臣皆努力幸與創時同

恭謁 景陵

西域已班師

東陵展祀宜闢疆二萬里奏績五年期默默深叨佑悽悽更益悲
敢云成

祖志

祖志注今斯

二月廿一日恭謁

泰陵啟蹕疊乙亥韻紀事

東歸既歲

新疆圖志

天章二

五

祀西來緣上

陵啟蹕疊舊韻往事迴憶生

舊作有命帥奠西極有
事告二陵之句

逆者畢掃穴順者胥來

庭展謁叩

默佑首頓駐翠旌拓疆萬餘里告功五易星郊勞循

祖典卽看舉回程

將以二十六日 告功德成旋蹕黃新莊時將軍參贊大臣凱旋至郊卽於翌
辰詣良鄉縣南迎勞其築壇張幄列壽拜天諸臣以次行禮謁一遵 祖制

將軍兆惠富德差乾清門侍衛來請安詩以賜之

數年萬里未爲遙遙在將逢隔五朝却爲勞儀待旋蹕

時將軍等凱旋近郊
擬以二十七日上

陵回程
具儀迎勞如三秋念轉無聊

恭謁 泰陵

質明峯樹辦

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷

九天點佑恩二十五年如一瞬

鼎湖迴憶痛難言

二月二十七日郊勞出征將軍兆惠富德及諸將士禮成紀事

京縣郊南親勞車

圍壇陳纛謝成勳出師本意聊嘗試

西陲之役始於厄魯特諸台吉率衆款附請兵甚力我喀爾喀牧圍勢不可以錯處滋患無益及其鋒而偏師嘗試

特計因其地以撫之故 禡旗命將之典概未舉行謹具乙亥告成碑記茲準夷旣平而回中諸部以次戡定實荷 上蒼 宗社鴻庥非敢謂先時逆睹及此也

奏凱今朝備禮文釋甲

弋戈罷征伐諭功行賞策忠勤膝前抱見詢歷經

國朝舊制凡出征將領功成還者行抱膝跪見禮以示優異今

即遵

行一瞬五年戚以欣同心萬里那睽違畢竟歡言賦采薇勇將歸

來兼福將黻衣著得解戎衣漫稱優武修文日恐卽嬉文恬武譏

飲至寧誇暢和樂持盈益勵慎幾微

三月朔日御殿定邊將軍兆惠副將軍富德等率成功諸將士朝

謁詩以紀事

黃麾簇仗正衙排奏凱來朝樂孔皆脫劍釋冰搖玉佩卷班按隊

叩金階幸逢耆定干戈戢况值熙和風日佳范士燮言予敢忘惴

矜保泰是長懷

新疆圖志

天章二

六

上巳日凱宴成功諸將士

有序

筵開飲至剛逢被禊之辰苑啟瀛臺恰奏濛瀛之績於時上公

晉翠青郊解甲初還蕃長敷茵黃幄纏頭列侍宮懸陳百部將

回中樂府齊登錫爵徧三巡以閣上圖形爲次詎因詡挾續投

醪之惠期得抒推心造膝之忱且食刀闥璧偕來包斷宜酬其

効順而紫綺朱提並賚簽名合第彼成勞從茲凱宴遐宣足使

天堂知樂是用寅承永切毋忘月醜依光非矜七德升歌爰藉

八章紀實

出勞嘉勳葳禮旋昇平凱宴液池壩闢疆掃逆誠資衆助順成功

總賴

天策績林林恩予厚詢勞一一命來前寧惟云不重生望祇覺迴

思越悚然

日麗風和春未深獎庸備禮有壬林試看偃伯靈臺上詎數流觴

曲水溲命預綺筵排伯克也陳夷樂奏任禁笑聆蜀伎無情者那

覺西悲動乃心

圓幕高張榆柳垂犒筵喜值禊修時策勳舍爵竟今日鬯武書常
允不期誰擬浯溪泐崖頌我歌靈夏出車詩紫光將畫凌烟像

西師
歲成

大功自元臣及在事將軍參贊禁衛統領諸臣
第其勳績懋著者命工圖形紫光閣以崇獎勵穆棣同叨

乾貺貽

成功將士錦衣旋日月光輝軍氣蠲藉我虎臣典宿衛笑他杯酒

解兵權將軍兆惠副將軍富德既以酬庸晉爵切命爲御前
領侍衛大臣宋藝祖權術駕馭夙所鄙慮及之八旗子弟心如石萬禩國朝龍

荷

天宣看瘡癥猶未愈三等侍衛綽克圖巴圖魯恩特驍勇過人臨陣不避
鋒鏑今預宴賜酒時撫其額傷猶未痊復爲之惻然能無一體痾瘵連

柳舒花放正良辰上日前期福履申三月三日爲上巳然
是日始戊申故云卸甲韞弓盡鳧藻

凹睛豐額集魚鱗千秋難遇太平宴百戰歸來義勇身獨憶儲胥

宣力者故大學士黃廷桂綜理軍儲調遣諸務備殫忠勤未及武成溘
焉長逝故前賜詩有奪我賢臣何太劇不教留看凱歌迴之句凱回未見惜斯人

敦瓜烝栗允堪憐二萬何期竟拓邊遠愧周王興六月遲過殷帝

克三年依楊霏雪凡經幾立幟登弧盡陷堅此日征夫眞邇止皇

新疆圖志

天章二

七

州春滿七條絃

拔達山人獻馘歸三軍飲至藹晴暉勞心幸我紓宵旰公道憑伊

論是非紫綺朱提頰渥澤前歌後舞迓鴻襪歡來憶不同來者軍興
以來

我大臣將弁等咸以盡忱自奮其間有遇阿逆之叛如將軍公班第參贊伯鄂容安遇噶爾藏多爾濟等之叛如靈夏將軍和起而
追色楞之逃者如副都統唐喀祿誤聽汝拉斯嗎唬斯之詐者如都統滿福至遇回酋和卓木之叛如副都統阿敏道前鋒統領鄂

寶副都統三格侍衛特通額總兵高大喜而奉命在途猝遇亂賊如將軍伯那木札爾參贊侍郎三泰其巴圖魯侍衛中之奇徹布
巴圖魯阿靈古禮富錫爾璜綽爾圖等並能以死勤事秉節捐軀雖加恩優予旌卹而當功成飲至時迴念義烈炳然尤不勝雪涕云

勞爵手持淚暗揮

芳節延禧淑氣清禊歌聲是凱歌聲元戎允合躬成哀勇校均教

手賜觥藉衆力茲疆地戒勅予心永奉

天行從來悟得受招理虔鞏流謙慎捧盈

射八韻有序

門啟賢良掄材式資觀德階陳蕃部肆武兼示柔遐爰循聽政

常程庶愜依光夙願耦聯十五子臣之鵠並張雋獲疊雙齊夏

之規胥叶以身先爲則詎詡穿堅扎七重俾目擊而存共喜侍

長楊百步將告成功而匪懈益遵

先制以彌勤華林百戲異靡文差不負春園日永璧上一觀同
壯志鎮毋忘朔寒風清

勅幾協九經量職授明廷志敢懈耆定治惟求永寧大蒙胥列侍
中國式儀型繁弱月觀魄四候星寫形匏音鳴未已鵠影落無停
擅巧非誇已綏遐所適丁由來重弓矢庶以鬯聲靈赫濯於昭在
欽惟

懿訓聽

駐防葉爾羌大臣阿里袞等奏報諸回城於三月下旬得雨詩
以誌慰諸回城既隸版圖人忻復業駐防大臣循行勸墾插蒔
方興而三月二十一日二十二日兩晝夜甘霖大沛葉爾羌喀什
噶爾和闐洋阿雜爾同時霑渥回人忭舞款告詫爲希有阿里
袞等以聞回湟古稱艱澤之鄉比歲復苦逆酋蹂躪茲獲
天仁降鑒槁壤頓蘇視前此師行瀚積嘉樹應時均深感荷因
欽

新疆圖志

天章二

八

鴻臚載紀長言

蔥嶺火州致艱雨一犁

天澤沛今春灌田不藉穿渠力利穡都欣纏首入校尉方將設戊
己神農未始禱庚幸遙遙萬里祈年望敢詡休徵益敬寅
八月十八日恭奉 皇太后木蘭行圍啟蹕之作

每歲金秋舉獮苗悠悠旌旆馬蕭蕭承歡內外都無間繩

武觀揚亦孔昭示法子孫從啟蹕

每歲木蘭行圍諸皇子
皇孫畢從俾習勞也

隨圍賓客扈來朝

安試放雕

雕鵠宜於高處就下放之滿洲蒙古以騎
射爲重若回部厄魯特則以此爲重云

新携回部鵠師赤

回部霍集斯等皆令隨圍彼中放鵠鵠者謂之
鵠師亦如元吏稱司鷹者謂之錫保赤之類

高處興

九月朔日作

秋季惟朔旦塞圍第一場千山斂雲氣萬樹絢晴光迴巘鴻絢合

深溪魚貫長咸賓逮回部

入觀之都爾伯特親王策凌烏巴什等同曾預觀塞圍其回部酋酋長霍集
斯伯克霍什克伯等以賜爵居京師並屬囊鞬從獵則自今歲始云矣

執

役有名王

舊扎薩克王公台吉等率所
部蒙古隨圍執役歲以爲常

柔遠繩

先切詰戎寓意良寧當懈幾務獵罷閱封章

塞宴四事

詐馬

詐馬爲蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人爲咱馬蓋呈馬戲之後則治筵以賜食耳所云只孫乃馬之毛卽今蒙古語所謂積蘇者是亦屬魚魯茲扎薩克於進宴時擇名馬數百列二十里外結束鬃尾去羈韉馳用幼童皆取其輕捷致遠以鎗聲爲節遞施傳響則衆騎齊騁羸馱山谷騰躍爭先不踰晷刻而達掄其先至者三十六騎擾賚有差所以柔遠人講武事也

名王詐馬存遺風獻筵備陳表敬恭廿里以外列駿驄置郵傳命聽發蹤宣教施銃星火紅連聲遞令頃刻通砰磕萬雷忽落空翩若驚鴻逸若龍雲屯颯歛倒呂洪旁唐閃霍復春容振林駭谷躡昇寥平沙草軟淨埒塏馱馱束尾縮其鬃輕方致速騎以童捷足獨出傑且雄選三十六惟良馱按第行賞務從豐只孫古俗想像

新疆圖志

天章二

九

中和樂還因寓詰戎

什榜

什榜蒙古樂名用以侑食今俗所謂十番或因此楊萬里詩有全番長笛橫腰鼓一曲春風出塞聲之句蓋樂曲名番本塞外語而傳譌耳其器則笳管箏琶絃阮火不思之類將進酒輒於筵前鞠脰奏之鼓喉而歌蘇羅赴節有太古之遺音焉

平原擇向圓幕張酪酥乳酒湘黃羊名王捧觴起上壽較漢公卿禮數詳渾撥四火不思曲長朔管如鞭吹鳴羽發徵氣內運叩角動商響外披初奏君馬黃大海之水不可量曲首繼作善哉行無貳無虞式穀友朋誰云漠無占絕勝鄭衛爲新聲我惟中外一家用聯上下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布克脫帽短襖兩兩相角以博躅仆地

決勝負勝者勞以卮酒卮魯特則袒裼而撲雖蹶不釋必控首
屈肩至地乃爲勝彼嘉其壯賜之羊臠臂則拱探掬顧盼呿吞
聲若飲歡其舊俗如此因以示惠云

健兒揜袖短後衣席前相撲呈雄嬉捩拖拘拉矜矜棋踉蹶踞踞
踞且踉乘間伺怠出以奇恧然躡蹶力不支勝者賜酒跽飲之別
有卮魯均新附其撲法乃異舊部露身赤脚惟著袴撇捺**踧**蹕空
拳赴失計忽仆伏地據騰跳翻作康王跨兩肩著地領倒豎方得
謂之決勝負勝者揚揚意實歡負者反求微覲顏宣傳典屬呼來
前上方肥羊出厨盤長截碩臠如舉山匕箸不設俾恣餐誰識不
足君所言快哉大嚼真壯觀豈對屠門空望懸跪振雙臂攫相搏
右哆左噏直下咽倏似長鯨吸百川意氣自若殊昂軒均令染指
果腹便小哉食肥張齊賢是蓋衛拉衆俗傳示恩獎勇一試旃食
罷命前面詢焉弗茲食者閱十年

據云準噶爾自喇嘛達爾札措豐以來日
就凋敝不得如此飽啖者十年於茲矣

教駢

新疆圖志

天章二

十

教駢攻駒周禮雖載然後世僅知攻駒而不能教駢蒙古則熟
習其法謂之騎額爾敏達驛馬三歲以上曰達驛額爾敏則未
施鞍勒者也每歲扎薩克於所部驅生馬多羣至宴所散逸原
野諸王公子弟雄傑者執長竿馳繫之加以羈韝始則怒騁馘
趨或豨突人立嘶嚙雷殷馭者騰趨而上控掣自如須臾調良
率得名馬

二歲爲駒不勝鞍三歲爲駢始堪教夏官廋人早失傳未若朔漠
存古調扎薩戲宴必備觀分羣別色陳平原氈廬賜食較撲罷鞍
轡一覽同名藩名藩子弟皆吉服上馬執竿好結束

馭生馬者必馳騎逐之纈
衣縮帶持尋丈竿繫革組

其上以爲控繫
俗名套馬竿

馭來萬錦歛披前光采陸離紛奪目薄言駟者有驕皇駢

騏駼與馭黃繫之維之取傑驚絅絆未及先跳梁齧草飲水本
天性鞿鞞乍拘自覺病驚軼狂擲詎能無處之以暇堪力勝牽來
蹀躞人爭騎驀跨那待羈韉施擢足軒立忽落地翻身騰鷗捷於
飛盡態極變不可狀驛突雄驅若翻浪毛龍逸虎旋就馴人有餘

閒據馬上馳甯驟供耳目娛駛駸駸耳中掄諸憑閱考牧悟至理
不教而成事所無

木蘭迴蹕至避暑山莊

鹿期促駕駐兩日塞上行圍倏又迴美士如斯可漫去遠人爾許

况攜來時回部郡王霍集斯克伯等自京隨駕都爾伯特親王策陵烏巴什等以入覲扈從
秋蒐而哈薩克陪臣都勒特赫勒等亦赴木蘭朝謁既命觀圍並攜至山莊錫宴

從容宴樂應教預假借清涼得久陪繩

武惠遐綿奕葉山莊嘉兆自天開

射

射是朝家夙所長承平遊豫那宜妄攜來新附控弦部駐此當年
避暑莊親御矢弧聯示度數班幣帛用旌良樹侯疊中休稱頌是日發矢

二十七中之九破的者六及易小鵠復連中舊部新蕃暨哈薩克陪臣侍觀者無不喜躍稱異敬仰

前猷敢不獲

萬樹園賜宴卽席得句

小陽春旭暖溫暾今日筵開萬樹園屈膝捧觴逮鹽澤纏頭式禮

新疆圖志

天章二

十一

厠花門回部郡王霍集斯伯克等及哈薩克陪臣咸預宴

敢云一己承

先烈或可千秋示後昆坐有鑿鐫如舊僕偏稱兩度沐深恩策陵烏巴什等以甲

戊夏入覲曾宴於此今入舊札薩克之列賜坐

萬樹園觀燈火

巖風傍晚淨魚鱗東望錘峯挂壁輪塞卽京華林卽上燈原嘉夜
月原春千枝蠟風燃銀樹百道星虹落玉津義寓光明輝忽爽甯

云誇示遠徠人

弄藏西師俘獲軍器於紫光閣應詩以誌事有序

幕庭收絕域運翌風雲臺閣應中台圖兼將相軍儲森列旗常
已炳上方陣獲便蕃仗械胥登武庫甲函青瑣得自前驅脫胄
之時鎗委綠沈出諸後隊伏弋之會貫矢詎來肅愼應知貳負
先僵佩刀疑壓赫連早識溫禺久釁掃蚩尤之長彗還帶鞞纓
轟尸逐之鋒車曾資鉛彈凡此勳銘百戰無須漂杵矜奇方當

績著九功用藉包戈紀實云爾

高閣巍巍表盡忠奔藏俘獲類從同戢干橐矢肆時夏奪鎧塞旗
藉衆功信可傳神留百世甯稱屈指數三雄器書名列太常紀甲冑旂纛

之類孰所獲者各書名其上以誌永久 一善吾惟憶莫窮

武成殿作

紫光閣後殿因額武成名千載丹青貌五年宵旰情被天恩獨厚
茲衆力斯誠那更生餘望廻思幸以驚

紫光閣寫功臣像及諸戰圖畢集讌燕落成爰賦六韻仍疊四章

有序

勳標偃伯烟銷濛汜之氛蹟炳圖形雲擁耀陂之勝時則掄偉
績而系贊先教褒鄂傳神逮一善亦臚名乃屬鄒枚紀實匪詡
天經地緯恰符五數之重眞逾漢史唐書能覲百賢之萃且聚
米狀山川阨塞壁間八陣常存而列星占旌纛飛揚磧裏參旂
盡埽試按昇平王會詎止萬里而遙爲思宵旰軍書何幸五年

新疆圖志

天章二

十二

式集昨者歸而飲至行觴趁上巳良辰茲焉落以慶成展席繼
先庚嘉宴凡在股肱心膂藉國家翊運多才應知竹帛旂常承
天

祖垂庥永靖維億載綏遐有象已被丹青予一人持滿彌殷長

鐫金石

閣就勝朝址

見日下舊聞

圖標昭代勳格慙虞帝羽數過漢時雲閣中圖功臣像勳績顯著者五

十人朕親題贊餘命儒臣擬爲者又五十人視雲臺二十八將不啻倍徒

天造無私佑諸臣實盡勤五年勞突將此日幸休軍有覺上林表

斯千液水漬落成緣戢武錫宴重去聲摛文

建置惟旌績運籌匪詡勳永期紀勞勩甯爲去聲賞煙雲保大

天垂貺開遐予敢勤帑原出內庫督未命將軍掄武駐冬日每科武殿試例于閣

下校閱騎射諸技勇慶成臨沼 詰戎求

世德

寶訓揭鴻文

恭讀太宗聖祖世宗實錄中飭口備懲宴安爲萬世大法者敬勒石閣中以昭彝訓

伊犁征不戰五月已成勳將謂業安石誰知事幻雲驅馳常塵遠
擘畫不辭勤最恨庫車轍深虞黑水軍事均見歷年詩章轉旋叨

昊綽仍執竟淮瀆始末親籌筆其觀勒壁文

經畫西師前後所製詩文於成功端委運籌次第綜彙刻石壁間示誌實也

衛拉勞

前列

厄魯特舊謂之四衛拉特

重華與

放勳敢云成不日惟凜望如雲載先去聲傳柑宴允嘉荷戢勤歸春

舞干旅洗雨伏波軍風嬾中和樂冰酥太液瀆賡歌鴛鷺侶可以

共論文

紫光閣曲宴外藩並回部詩以誌事

值歲外藩入覲顏新增伯克序年班四方來賀誠非易三接推恩

未可刪筐篚兩廂頒等第魚龍百戲鬪班瀾西師繪壁思羣力敢

曰折衝尊俎間

戰圖補詠

有序

新疆圖志

天章二

十三

西師定功於己卯越七年丙戌戰圖始成因詳詢軍營征戰形
勢以及結構丹青有需時日也夫我將士出百死一生爲國宣
力賴以有成而使其泯滅無聞朕豈忍爲哉是以紫光閣旣勒
有功臣之象而此則各就血戰之地繪其攻堅斫銳斬將搃旗
實蹟以旌厥勞而表厥勇爾時披露布已有成詠者卽書之幀
間其未經點筆者茲特補詠凡六事禮不云乎聽鼓鼙之聲則
思將帥之臣撫是圖也有不啻若彼之感先是宵旰勤勞雖日
神馳於連營列陣之間此則日擊心存竟如指揮諸將士於折
衝禦侮之際而痛定之懼予惟益欽

天眷於無窮凜月盈於有永遑敢自詡坐謀伐赫濯而忘兢業
哉

鄂壘扎拉圖之戰

丙子冬將軍兆惠聞準噶爾宰桑等煽亂自齊爾哈朗移兵甫
至鄂壘扎拉圖突遇達什策凌等賊衆無算因乘其不備夜出

衝殺殲千餘人爾時噶爾藏多爾濟扎那噶爾布等渠酋會兵邀歸路連戰不退兆惠等且守且進適朕所遣圖掄楚等援兵至并力夾擊賊始解圍遁去我軍全隊迴至巴里坤

以誠馭詐致相輕

阿逆竄跡哈薩克斃將就縛乃以譎計緩師將軍達爾黨阿不審虛實按兵待獻遂失事會而厄魯特宰桑之從征者既心輕將師所爲因復回謀變亂

哈薩纔

迴譎變生戊己駐營攜少卒

時兆惠爲副將軍駐兵濟爾哈朗所攜不過偏師鎮守伊犁等而已猝值叛賊空集因以少擊衆全軍而出

螳螂怒

臂阻前程直何畏曲中宵出一可當千衆賊驚竟得全師逢接騎整軍後入大功成

庫隴癸之戰

庫隴癸附近伊犁我師三入勦賊時叛黨昂克圖塔爾巴等四宰桑據險藏匿兆惠所率將士纔八十餘人夜進山口鏖戰時曉霧迷漫布庫圖特克爾得克二宰桑脫身逃去其餘悉被斬獲時戊寅三月十六日也

威弧有事射天狼三穴窮追那許藏挺險賊人雖鼠竄擣虛土氣

正鷹揚五更直襲屯營寨兩騎先收牧馬羊

兆惠於奪險攻賊時分遣侍衛扎延保投誠厄魯特達什車楞二人收其牧羣以故

新疆圖志

天章二

十四

賊不能脫

通古魯思克之戰

霍集占兄弟負恩各據城反將軍兆惠既定庫車烏什等遂直抵葉爾羌薄城南賊衆馬步二萬餘兆惠所領兵不過三千率以渡黑水河者纔五百騎迎敵血戰適喀什噶爾賊黨後至我軍遂結營固守經冬涉春己卯正月援兵繼進克敵奏功故繪通古魯思克之戰以紀攻伐葉爾羌回城初交遇險之始事云兩回酋昔困莎車得地忘恩應去聲剪除赤翟蜂屯助白翟僑如狼顧庇榮如渡河騎卒五百耳背郭賊將二萬餘守壘竟同援兵進

時副將軍富德奉命領兵在道因命速進赴援而參贊大臣阿里衮所辦巴里坤馬亦刻期至軍營遂大敗賊人兆惠等全軍已出然計我師扼寨守險已及百日矣

忠誠迴憶益欵欵

霍斯庫魯克之戰

逆酋因葉爾羌喀什噶爾既破失其巢窟悉衆逃竄參贊大臣公明瑞於閏六月十五日選兵邀截偵知兩酋暫息塞爾古勒是地爲去拔達克山安集延兩處之要路時二酋欲赴拔達克

山而賊之衆伯克悉力窮追至霍斯庫魯克賊避其輜重婦子以六千人登山成列我軍先至者九百騎卽奮勇仰攻轉戰三時斬馘數百俘其男婦駝馬遂轉向拔達克山一路而逃明瑞仍督兵追躡後會富將軍副德等軍有阿爾楚爾伊西洱庫爾淖爾等處之戰

回城既定進追兇雙耳山前竄跡逢

回語霍斯庫魯克者華言雙耳

賊已六千橫據領兵

纔九百仰攻峯遮回安集延逃路直躡拔達

平聲

山去踪將卒同心

奮敵愾千秋國史勒勳庸

阿爾楚爾之戰

二酋於霍斯庫魯克爲明瑞所創懼我師勇銳難當設伏於阿爾楚爾兩山峯頂以待我師時富德明瑞等軍皆合諸大臣集議衆寡相殊彼又先據險要非整旅結陣難出萬全以健銳營火器當其中堅更張兩翼設奇兵統計以三千人之衆克敵致果所傷者一卒殺賊至千餘人陣斬其大伯克數十始披靡逃

新疆圖志

天章二

十五

竄急追躡之遂及之於伊西洱庫爾淖爾

霍斯庫魯遁餘魂合旅窮追至水源蕃部覲王隨契苾

時布魯特皆隨軍爲嚮道

軍勵志定堅昆蚩尤所恃依重險風后宛同握八門健銳營兵精火器雪山倏作陸渾原

伊西洱庫爾淖爾之戰

我師乘勝追賊七月十一日抵伊西洱庫爾賊復據山阻水此地山高石危淖爾緣邊僅容單騎大和卓木波羅泥都先據山嶺爲往拔達克山之計小和卓木霍集占以衆賊阻絕淖爾隘口與我對敵我兵分布攻擊豎纛招降賊衆跳崖勾命阻水者蹂躪淤泥中霍集占止之不能遂奪馬繞山會其兄遁往拔達克山我軍壓其境索取賊魁自是之後兵不血刃矣

三交三勝武貔雄

霍斯庫魯克阿爾楚爾及此凡三戰皆以少勝衆

黠鼠徒嗟五技窮一綫泔溪進魚

貫千尋列嶂突蠶叢遊魂釜底雖潛脫馳檄天邊竟定功葳事追思臨事慎持盈永以勵深衷